


吏部 官制三



吏部卷之三

典章九

官制三

流官 軍官 投下官 倉庫官 局院官 場務官 站官 首領官 捕盜官

流官

勾當官九品職官內選任至元七年九月尚書吏禮部承奉尚書省判送刑部呈見設勾當官差占不敷踏逐到阿馬都充勾當官遇闕補正送本部定擬到除已准待缺員數並阿馬都待缺外今後各部勾當官有缺合於九品職官內選注相應人員補充省府准呈遷轉闕廣官員至元二十八年九月二十七日江西行省准中書省咨該

奏准遷調福建行省官員咨請與都省差去官照依下項事
理定奪事准此除外內一項接連地面已任滿有解由官
員願遷兩廣福建者依例陞等擬注准此省府合下仰照
驗若有廣東福建曾勾當南北官員已經任滿得替給到
解由省會各人並赴行省求叙及近裏曾經仕官即目閑
居雖非兩廣福建人員願於彼處勾當者亦聽自揀南人
亡宋時曾仕官或歸附亦曾歷仕通識治體之人願仕廣
東福建者親賚文憑赴省求叙
久任官員遷轉至元三十年御東臺咨承奉 中書省劄
付來呈至元三十年五月十六日

聖旨有來如今

聖旨大體例裏行省裏宣慰司裏外頭各衙門裏官人五年十
年家不曾遷轉底有做官底人日月多了呵他每根底也
不便當百姓每根底也不便當

上位道是呵中書省官人每分揀着遷轉呵怎生奏呵那般
者麼道

聖旨了也欽此呈奉

中書省劄付該若有未經遷轉人員

照勘明白姓名開呈奏此

選官從本管官司保至元二十八年十月行省照得先准
中書省咨

奏准遷轉福建兩廣官員已經劄付本道據接連地面已任滿有解由官員願入廣者連將解由呈省去後照得中書省咨坐到事內一項照勘應用人員見有窠闕若果有缺多不敷調用聽於行省宣慰司令譯史宣使奏差察司書吏內選擬皆從本管官司保舉仍須不曾有犯贓罪之人准此省府除外仰欽依

奏准

聖旨事意施行外據察司書吏就便行移廉訪司如有願入廣者依例令本管官司保勘呈省
銓選官從元籍保勘至大三年三月行臺准 御史臺咨

來咨江西廉訪司申今後遷除官員合無除犯罪黜降應任邊遠及自願注入閩廣等選者依例定奪外據江南江北道腹裏地面聽除官員及父母年老別無侍丁應任邊方者依驗前咨合得品職從公鄰近銓注似望當世仕官之人各安其分准此呈奉 尚書省劄付送吏部議得常選流官各有應任地方其有年近致仕者省部聽除之際亦嘗量依近裏果有親年七十以上別無以次侍丁若便憑准本官自具詞因一例近便遷除中間恐有不實因而壅塞腹裏窠闕不能遷調深為未便以此叅詳合從原籍官司自下而上保勘明白至日斟酌銓注若有詐冒從監

鈔校書籍
察御史廉訪司體察似為相應具呈照詳
都省准呈仰依上施行

軍官

定奪軍官品級至元二十一年三月

樞密院猴兒年二

月初二日伯顏丞相等官員

奏在前軍官每耶的哥二的替頭裏委付了呵只管那舊軍
有來又為獲切了麼道與了名分呵却無他管的軍有為
此上交俺商量者麼道

聖旨有來俺與中書省官伯顏御史臺官每衆人一同商議得
這漢兒軍官每委付了到今多時也只交他每根底占定
做官呵無體例的一般有麼道鎮撫千戶之上三年為滿
交遷轉百戶以下不須遷轉麼道擬定來文將元帥招討

總管把搃這四等名兒重的一般有這其間裏幹端別十八里長河西和林塔二兒等處似此邊遠田地裏有底權且依舊其餘近裏有底草去了呵萬戶千戶百戶這名分裏分做上中下三等委付呵怎生麼道擬定來後頭案同的勾當有呵臨差的時節對付得或元帥或招討名分裏交行了呵無事的其間裏休交行呵怎生麼道擬定來
奏呵奉

聖旨您的言語是有那般者欽此

至元二十一年二月十六日樞密院官同中書省官御史臺官

奏准萬戶千戶百戶等官員職名品級

上中下萬戶府

上萬戶府七千軍之上

達魯花赤一員 萬戶一員 副萬戶一員

前件達魯花赤萬戶俱作正三品虎符副萬戶作從

三品虎符

中萬戶府五千軍之上

達魯花赤一員 萬戶一員 副萬戶一員

前件達魯花赤萬戶俱作從三品虎符副萬戶作正

四品金牌

下萬戶府三千軍之上

達魯花赤一員 萬戶一員 副萬戶一員

前件達魯花赤萬戶俱作從三品虎符副萬戶作從

四品金牌

上中下千戶所

上千戶所七百軍之上

達魯花赤一員 千戶一員 副千戶一員

前件達魯花赤千戶俱作從四品金牌副千戶作正

五品金牌

中千戶所五百軍之上

達魯花赤一員 千戶一員 副千戶一員

前件達魯花赤千戶俱作正五品金牌副千戶作從

五品金牌

下千戶所三百軍之上

達魯花赤一員 千戶一員 副千戶一員

前件達魯花赤千戶俱作從五品金牌副千戶作正

六品

上下百戶

上百戶七千名軍之上百戶二員

蒙古人一員 漢人一員

前件百戶二員俱作從六品銀牌

下百戶五百名軍之上百戶一員

前件百戶一員作從七品銀牌

萬戶府鎮撫

上萬戶府鎮撫二員 蒙古人一員 漢兒人一員

前件鎮撫二員俱作正五品金牌

中萬戶府鎮撫二員 蒙古人一員 漢兒人一員

前件鎮撫二員俱作從五品金牌

下萬戶府鎮撫二員 蒙古人一員 漢兒人一員

前件鎮撫二員俱作正六品銀牌

千戶所彈壓

上千戶所彈壓二員俱作從八品

蒙古人一員 漢兒人一員

中千戶所彈壓二員俱作從九品

蒙古人一員 漢兒人一員

下千戶所彈壓二員俱作從九品

蒙古人一員 漢兒人一員

首領官

上中下萬戶府

經歷一員從七品 知事一員從八品 提領案牘一員受院劄

聖道齋

千戶所

上千戶提控案牘一員中千戶都目一員

下千戶吏目一員

鎮撫所

上設都目一員 中下各設吏目一員

百戶下

俱設軍司

軍功合指實跡至元二十二年十二月 御史臺承奉

中書省劄付吏部呈今後到選人員雖行省各保從軍渡江經涉艱險多負勞苦不見開寫明白實跡似難陞等擬

合移咨行省照勘委於至元十一年十二月內隨大軍渡

江者合為定例除管軍官並首領官渡江獲功陞轉並追捕叛賊劄立奇功者已有定例外據行省行院受

宣勅有職人員並令史譯史通事宣使奏差及曾受行省行

院劄付有出身人員經涉艱險並有軍功者亦合指定自

幾年月日於何處地而負過艱險軍功實跡保勘明白以

憑依例陞用所據已除人員任回通理如蒙准呈今後到

選人員省劄到日照依上例定奪

都省准呈

管蒙古軍官陞除皇慶元年正月 行臺准 御史臺咨

准 樞密院咨至大四年閏七月二十日奏

皇帝登寶位開了

詔書凡事從新極治依着

世祖皇帝聖旨行時分省得的題奏有萬戶千戶百戶內並萬戶府千戶所鎮撫彈壓因公陞除別勾當裏去了呵管蒙古軍馬的人每元管來的軍裏委付他每的弟姪兒男者管漢軍的人每陞除別勾當去了呵他每替頭裏委付別人者麼道

世祖皇帝立定體例來在後使見職的人每捏合着謊文字委付了的也有官吏每覷面皮故違了

世祖皇帝立制在先委付了的人每也有來別了大體例主仗着委付了的也不如今從新極治的時分上位明白奏知管達達軍馬人每的子孫於元管軍馬裏依例委付管漢軍的人每因公陞除別勾當裏去了呵依着

世祖皇帝定制他每替頭裏委付別人今後聽了

聖旨故違元保來的官吏並明知道主仗着委付的大每根底交監察廉訪司管察知呵罷了勾當斷罪呵怎生議定來奏呵奉

聖旨那般者欽此咨請欽依施行

軍官依例保舉皇慶元年二月 行臺准 御史臺咨

樞密院咨主大四年閏七月二十日奏

皇帝登寶位開了

詔書凡事從新極治依着

世祖皇帝聖旨行時分省得題奏有做官的人每事故了呵他每替頭裏交他每嫡長子行者嫡長子沒了呵嫡長孫行者嫡長孫歿了呵交長孫的嫡長子行者若嫡長孫俱無呵應做的弟兄內交行者麼道

世祖皇帝立定體例來近年以來軍官每並與魯官亦將嫡長子長孫不肯依例保舉覲面皮將妾妻兒男並不應的弟兄每根底偏向着亂行保舉上頭時急不能完備相爭七

八年間消乏了他每氣力緣故是這般有如今從新整治時分今後不依着

世祖皇帝定制行省地裏要了肚皮覲面皮有體例人不行保舉却將不應的人亂行保舉的官吏每根底交監察廉訪司察知呵罷了勾當重要罪過呵怎生議定來奏呵奉

聖旨那般者欽此咨請欽依施行

軍官七十許替皇慶元年正月 行臺准 御史臺咨准

樞密院咨至大四年閏七月二十日奏

皇帝登寶位開了

詔書凡事從新極治依着

世祖皇帝聖旨行時分省得的題奏有軍官每年年紀到七十歲
呵替頭裏交他每的弟姪兒男行者麼道

世祖皇帝立定體例來近年以來有年紀的人每無病推稱有
病麼道使見識自己替頭裏交他每弟姪兒男行了他每
却別尋勾當出去的多有軍馬勾當不似民間勾當是緊
急大勾當有年紀小的人每委付了行呵行着時耽悞了
勾當去也今後各處遍行文書交監察廉訪司官用心將
那般使見識趨奸的人每根底察知呵罷了勾當永不叙
用斷罪呵怎生議定來奏呵奉

聖旨那般者欽此咨請欽依施行

軍官體差占皇慶二年十一月

中書省劄付樞密院呈皇慶元年四月十八日本院官奏
札忽兒台付樞密院根底文書裏說將來有行省官將各處
鎮守軍官省司合管的勾當裏差遣離了鎮守地面失悞
了鎮遏的勾當不宜的一般麼道說將來有俺商量來軍
官每除為軍馬的勾當呵交差遣其餘干碍錢糧民訟有
司的勾當行省休差軍官呵怎生奏呵奉

聖旨那般者恁與行省文書除軍馬勾當外其餘不干碍的勾
當裏休差者欽此除已移咨各省欽依施行外具呈照詳
得此仰欽依施行

投下

投下達魯花赤遷轉至元二十年御史臺咨據監察御史
呈各投下分撥到路府州縣達魯花赤人員湏要選用正
蒙古人員充各處達魯花赤任滿與管民官一體給由申
覆上司擬於本投下分撥到腹裏江南州郡內三年互相
遷調如本投下止有分撥到一處別難遷調任滿已今依
上給由赴省部再行給降照會方許復任如有為政實跡
量加陞用具呈照驗施行得此呈奉 中書省劄付送吏
部照擬得合依御史臺所呈緣係投下差放達魯花赤不
拘常調叅詳今後此等人員若有侍賴害民生事者擬從

御史臺令各處廉訪司嚴加糾察檢會得至元四年十二月初九日 中書省劄付係官投下州縣達魯花赤人員亦合依管民官例三十個月為滿合取元粘帶解由赴省遷轉事行移各處照會去訖今據見呈仰照驗依上施行本臺為此再行議擬呈奉 中書省劄付送吏部議得各投下路府州縣達魯花赤三年一次給由擬准御史臺所擬外據南北拘該路府州縣互相遷轉事理已有定例呈乞照詳事得此都省議得各投下州縣達魯花赤三年一次取給解由互相遷轉外據總管府並止有一處無可遷轉州縣達魯花赤亦合三年一次依例給由申呈省部仍

行移廉訪司體訪申臺除已移咨各處行者劄付吏部照會仰遍行照會施行

投下設首領官至元二十二年十二月 行中書省准

中書省咨准玉速帖木兒言語哈刺帖木兒根脚係屬俺的廣平路的人後頭江陵府按察司裏做奏差年月滿了也如今蠻子田地裏俺分撥到城子全州路達魯花赤秃忽魯去了也與秃忽魯怎生一般勾當擬定交去底你識者得此照得秃忽魯見元全州路達魯花赤 都省擬哈刺帖木兒元本處提控案牘與秃忽魯一處勾當咨請出給劄付依上勾當施行

投下達魯花赤大德八年六月江浙行省准 中書省咨
大德八年三月十六日

奏過事內一件臺官人每俺根底與文書各投下各枝兒分
撥到的城子裏他每委付達魯花赤有一個月日未滿又
重委付一個來有於內多一年是漢兒女直契丹達達小
名裏做達魯花赤有今後各投下各枝兒裏說知選揀蒙
古人委付者漢兒女直契丹達達小名裏做達魯花赤的
都合革罷了有麼道這般說有俺商量來今後
諸王駙馬各投下各枝兒裏行與文書他每分撥到城子裏
委付達魯花赤呵選揀蒙古人委付者如果無蒙古人呵

揀選有根腳的色目人委付者三年滿呵交他依大體例
替換了若三年不滿呵不交重委付人呵怎生奏呵奉
聖旨那般者欽此

革罷南人達魯花赤大德十一年三月十二日福建廉訪
分司牒奉江南行臺劄付近據江西道申察知建昌路南
城縣達魯花赤伯顏係是南人問得本人姓黃祖太所招
情詞即係違

制擬合革罷相應得此移准御史臺咨呈奉 中書省劄付
吏部照得先呈行移此事送據吏部呈照擬得與城縣達魯花赤伯
顏既係南人廉訪司體究明白欽依

聖旨通例革罷合咨行省追收

勅牒仍今本投下依例選保相應已經移咨江西行省劄付吏部行移依上施行去乞今據見呈都省除外仰照驗施行

有姓達魯花赤革去至大四年九月行臺准 御史臺咨奉 中書省劄來呈山東廉訪司申石那臣告大都路金玉局所管匠人常山兒敬受

濟王令旨前來濱州充達魯花赤本人改名也先帖木兒得此送據吏部呈照得至大二年四月內欽奉

聖旨即該各投下多是漢兒契丹女真做蒙古人的名字充達

魯花赤令後委付蒙古人者若無呵於有根脚色目人內選用欽此即不見諸投下差設本投下梯已戶匠敬受令旨或受

宣勅翻姓達魯花赤合無一體革去參詳諸投下梯已戶匠所設達魯花赤於內若有漢兒契丹女真擬合劄付御史臺欽依已降

聖旨事意一體革去具呈照詳都省准呈依上施行

有姓達魯花赤追奪不叙延祐三年六月行臺劄付准

御史臺咨呈奉到 中書省劄付來咨延祐二年十一月

二十七日合稟通劄送刑部議擬到下項事理內一款諸

人告言有姓不應達魯花赤人員指訂照勘明白合無依
例取問追奪前件照得先奉中書省劄付皇慶元年六月
初八日

奏過事內一件大都省帖木迭兒丞相等官人每奏將來有
御史臺官人每俺根底與文書

諸王駙馬各投下分撥到城子裏委付達魯花赤呵有姓漢兒
人更改了名姓保的也有一個關裏重保着三四個人的
也有今後諸投下保達魯花赤呵有姓漢兒人見任達魯
花赤勾當裏行二年之後保將有體例的色目人來者若
將有姓漢兒人更改名姓勾當裏委付了呵追奪了他的

宣勅永不叙用元保來的各投下的官吏根底也要罪過呵
怎生俺根底與文書有它每言語是有依省它每說將來
的教行呵怎生奏將來奏呵那般者麼道

聖旨了也欽此咨請欽依施行准此都省仰欽依施行奉此今
承見奉本部議得有姓漢兒達魯花赤追奪

宣勅永不叙用即係

奏准常典罪經釋原擬合照勘明白欽依追奪不叙相應得
此准擬仰欽依施行承此咨請欽依施行准此仰欽依施
行

設副達魯花赤延祐三年七月行有准 中書省咨延祐

三年五月十一日

奏過事內一件去年將各投下分撥來的各路州縣裏交各怯薛裏常選內衆人之上委付達魯花赤各路州縣裏各減一員將投下合委付的人做副達魯花赤委付麼道奏了來如今依先已了的各路州裏減去同知上縣裏減去縣丞交各投下委付副達魯花赤中下縣主簿錄事司錄判掌管錢糧捕盜勾當減去呵不中也者交各投下添設放副達魯花赤一員呵怎生商量來奏呵那般者麼道聖旨了也欽此都省請欽依施行

改正投下達魯花赤延祐五年正月

江南行臺准

御

史臺咨延祐四年六月十七日本省官

奏過事內一件監察每文書裏設各投下達魯花赤

太祖皇帝初起比方時節哥弟兄每商量定取天下了呵各分地土共享富貴麼道

世祖皇帝即位以來立着法度諸王分到的城子交他每各自委付達魯花赤有這勾當行了多年也近間迭木迭兒別了

世祖皇帝聖旨無故將各投下委付來的達魯花赤罷了只交委付次二官的上頭失了諸王的心麼道臺官每題奏來帖木迭兒却回奉了有合依舊交他每委付達魯花赤麼

道說有俺商量來他每說的是有依者他每說將來的言語行呵怎生奏呵恁說是這勾當都是帖木迭兒有是諸王分定的有秃剌那演也不受有麼道聽的來恁行與省家文書者各投下達魯花赤依者在先體例裏從他每委付者麼道

聖旨了也欽此呈奉

二日

中書省劄付照得延祐四年六月二十

奏過事內一件在前諸王每委付的各路府州縣達魯花赤每交做委達魯花赤大數目裏交委付為顯達魯花赤者麼道奏奉

聖旨行了來近日臺官每奏各投下的城子裏只依省已前行來的體例交他每委付為顯達魯花赤者大數目裏休委付者麼道有

聖旨來近間也孫帖木兒晉王朶劉捏等大王也說是俺投下的勾當有依先例委呵怎生麼道俺根底與了文書有奏呵奉

聖旨

我者也這般說來自

世祖皇帝時分定體來的勾當有依先例只交各投下委付為顯達魯花赤者麼道

聖旨了也欽此已經移咨中書省劄付吏部欽依施行去訖今據見呈除外都省仰照驗施行

投下職官公罪延祐六年六月十七日奉 江浙行者劄付准 中書省咨刑部呈奉省判御史臺呈准江南諸道行御史臺咨據監察御史解世英將仕呈嘗謂張官置史莫非為民而公事偏情則必斜正其罪蓋取以輔成政務不便遂其非也方乃臺察按劾諸司刷歷案牘如有公事差池怠慢者當該官吏人等驗事輕重斷罪者

投下職官受

勅以下人員固有量事區處權受

宣官員若欲議罪多有無俸給者倘擬斷必須

奏聞伏慮事小非推煩讀

上聽亦且文宗卒急不能杜絕置而不問又恐怠慢之人恃此不如警畏宜從合干部分將

投下官職無俸給者如有公事差池怠慢取訖招伏定擬旨罰通例遵守庶人知畏懼公事成就具呈照詳得此本臺看詳如准所言定擬通例相應具呈照詳得此送據刑部呈照得至元二十年八月初三日承奉 中書省劄付送據御史臺呈恩州岳據管人戶朱全祐駮男朱得興奸誘班四駮婦臘梅在逃捉獲受錢私下休和約會到本管官

員提領一同歸問過其本官將得興一面斷決了當取問
得袁澤狀招伏本管戶計朱得興犯奸在逃自合依例將
本人關發恩用歸問不合一面將朱得興斷決罪犯乞照
詳事得此送據本部議得奸盜合從有司歸問其袁澤係
雜職官員擅將朱得興斷決別未見曾無將奸婦臘梅斷
罪及斑四受朱全祐錢物私和罪犯即係惧罪之贓擬合
追沒入官取招量斷於袁澤取招罪犯本與司縣相對衙
門將奸夫朱得興擅便斷決事屬違錯量情比附縣尹俸
給體例追罰贖罪鈔二十五兩五錢標注公錯罪名乞照
詳都省准呈除已劄付御史臺追罰外合下仰照驗標注

施行奉此本部議得投下職官除罪應的決已有定例所
據公事差池怠慢雖無俸給合行懲戒今後似此有犯事
理比附有司相對衙門俸官例驗事輕重追罰如蒙准呈
遍行遵守相應具呈照詳得此都省准擬

有司衙門給引至元二十三年十二月 行御史臺准

御史臺咨承奉 中書省劄付樞密院呈行樞密院咨鎮

守隆興萬戶府申見管軍人內逃訖杜林興李德陳義等

四名根捉到吳城山捉獲到官招伏就用陳提領等費河

南路諸投下官司文從人隨在江南等處行移按察司審斷作買賣者為由

外本院看詳腹裏州城諸投下官司信從人戶以江南等

處作買賣者為由濫放文引般取軍人在逃使管軍官不能拘繫通行合屬禁約事都者議得今後諸人若要因事或為商買前去他所勾當經由省司衙門陳告取問隣佑是實令人保管引無違碍方許出給差引明置文簿銷照外據其餘衙門并各投下官司雖有印信無得擅行出給文引除已通行合屬禁約外仰照驗施行

投下勾當休另提調大德二年四月二十日 江西行者

准 中書省咨二月初八日

奏過事內一件

諸王駙馬各投下勾當教他每提調麼道偏向諸衙門之上

委付着 中書省有投下的勾當有呵衆人商量了合依體例行呵令各自另提調呵不揀怎生也偏向無體例有大勾當裏不便當呵今後投下勾當獨自體另提調者不揀甚麼勾當呵衆人商量了行者這般宣諭了投下勾當另行提調的要罪過者行

御寶

聖旨呵是來如今時間俺省家行文書呵怎生奏呵奉

聖旨是有恁行者又奏別個者裏似這一般各自另行提調投下勾當的也有也者依那體例遍行文書呵怎生奏呵奉聖旨那般者欽此

投下不得勾職官至元三十年十一月江西行省准
中書省咨吏部呈山東宣慰司關東昌路達魯花赤探馬
赤至元二十九年二月初四日禮任至二十日前去永昌
府將軍糧交付了當至十一月初五日還職照得元奉省
劄路府州縣達魯花赤非奉

聖旨省部明文不得擅自離職奉此照得東昌路達魯花赤擅
自離職倘有稽遲所責非輕今後達魯花赤若各投下差
委使臣賈擎

大王令旨

駙馬鈞旨前來勾喚擬合等候省部明文然後許令前去似

為不致失誤勾當請照驗本部議得若准擬相應都省准
呈咨請遍行照會施行

又大德六年十月行臺准御史臺咨承奉中書省劄付來
呈河東山西道廉訪司申五月初三日有使臣怯來賈敬奉

阿只吉大王令旨嚙州唆羅海咱每營的也先忽都魯說來
三月二十日刷馬時節喚我去來到呵知州馬也不曾問
和雇和買皮裘靴子等你不與則麼為那上頭我迴說我
是達達人有那其間裏頭髮挽着打我沙沙來如今這
令旨到時節即忙過來這裏折證者敬此照得先欽奉

聖旨條畫內一款節該非奉

聖旨諸王及公主駙馬不得一面勾喚管公事大小官吏欽此
卑司者詳府州司縣官員俱係牧民之職設若有罪且從
朝省區處今聽從也先忽都魯一面詞因將知州唆羅海勾
喚去訖不惟耽悞大小公事應與前項欽奉

聖旨事意似涉不同具呈照詳送刑部回呈准河東宣慰司關
亦為此事本部議得唆羅海即係牧民長官所管差後一
切詞訟支持應辦並與魯軍情事務不為不重若投下有
事將管民官恣意勾攝妨占耽誤公事深繫利害如准廉
訪司宣慰所言欽依元奉

聖旨事意諸王公主駙馬不得一面勾攝行下

本投下王府節令知州唆羅海還職已後無致違別體例相
應 都省除外仰依上施行

大小勾當體例大德七年閏五月初二日江西行者准

中書省咨

安西王位差來使臣忽里罕等呈敬奉

安西王令旨起鋪馬五匹前去吉州路忻都元關本錢二千
定內造下的水弓皮袋段疋紗羅斤利錢鈔錠等物將來
者軍的氣力用麼道 都省裏說了者去敬此忽里罕等
敬依前來今將見贖把起鋪馬

令旨的本譯寫粘連在前具呈照詳得此大德二年五月初

六日

奏准節談

諸王各位下合關五戶絲歲賜段足軍器般運呵官司脚力般運有其餘諸物無般運的體例又大德二年六月二十六日御史臺呈欽奉

聖旨節談

諸王駙馬差使大勾當明白

奏過交行者小勾當經由中書省行者無體例勾當罷了者欽此今據見呈都省咨請欽依施行

教官

諸教官遷轉例

儒學教授

至元十九年八月定府州一任准正九再歷路教一任准從八大德八年定須年五十以上

蒙古教授

至元十九年八月定府州一任准正九再歷路教一任准正八大德元年三月已後止擬從八

國子正錄

至元二十九年四月定國子正一任從八錄一任正九

國子伴讀

至元二十九年三月定每年歲貢四人二名充部令

史二人充府州教授

保選儒學官員至元二十四年正月行中書省准

中書省咨吏部呈近承奉中書省劄付擬府州儒學教

授准正九品任滿日再陞路教授一任准從八品滿日給

由赴部於本等遷轉若學正歷一者即陞教授員多缺少

似有窒碍今擬各處教授三年為滿依例遷轉須歷兩任

所據隨路教授過有關員散府工中州教授歷一考之上

者陞補散府上中州教授有關各處學正歷一考之上者

陞補學錄教諭有缺於直學選補陞補並依例體覆申呈

如有缺員依舊勾當遇闕依例陞補似易為銓調其有年

高德邵茂材異等不求聞達雖白身才堪教授一路一州

者許據按察司體覆相同將所業文字連申擬充教授不

拘全例若越次委舉及選保不拘士行不精儒業令人代

作文字之人從監察御史本道按察司體察明白申臺呈

省取問是實所保人截日黜罷仍罪及當元舉主併體覆

官司似望教官得人作成後進以備他日選用奉此除遵

依外近來各路將一考之上舉正錄教諭往往給由此例

求取又行保舉白身之人止抄錄文字一二篇申部並翰

林院選用中間冒濫不無切照各處若將學正教諭人等
依常調人員陞轉即目學校員多缺少泛濫保用不得其
人何以作成後進深為未便本部叅詳學校風化之原必
當慎擇師儒教育後進今來議得若各路並府州教授別
有遷調歇下窠闕擬合令本路官司於所轉州郡教官內
通行推選才德之人牒委文資正官覆察相應行移本道
按察司出題試驗將親筆所業文字並按察司牒文繳申
省部移文翰林國史院再行考較其學正人等依舊守職
若有茂才異等之人本處官司依例體覆令本人親身赴
翰林國史院試驗保明開發赴部定奪倘有不應罪及學

官並覆察官司如此似望革去濫保之弊訖照詳事都省
准呈施行體覆山長至元二十六年御史臺准行臺咨據
江西道按察司申據江西儒學提舉司申奉到江西省劄
取勘到名賢書院合設山長去處移准尚書省送吏部與
翰林國史院議得江南書院山長就受本省劄付都省准
擬移咨委用施行今據見申仰從本司選保申省仍就呈
按察司體覆施行申乞明降本臺另無奉到都省照會呈
乞照詳得此送吏部行移集賢院定擬得江淮教官已有
定例緣書院山長合從教官例今按察司體覆相應都省
准擬施行

學官考滿體例元貞元年三月行省准尚書吏部照得各處行省咨到考滿學正山長俱令廉訪司體覆及錄連所業文字行移集賢院考校中式於教授內定奪呈奉都省准擬咨請依上施行

考試教官等例大德九年二月湖廣行省准中書省咨禮部呈奉省劄議得教官之選壅塞日久其間冗濫不無不可以賢愚同滯究其本源府州教授窠缺南北八十九處即目在選籍記五百餘員已有守候八九年者尚未知何時注授設若得除守缺二年及以致仕之例所拘使年高碩學之士終身不沾一命其年少後進循資陞轉及居

其右誠為不倫今擬到選府州教授照勘類選年甲即令及五十五以上者先行挨次銓注守待窠缺還家聽候五十五以下人員再注學正山長一任先儘此等人員任回止歷路府教授一任轉入流品已後府州教授有缺止依本等注授如缺不敷並依上例定奪所據白身叙入教官之人各路府正官體覆相應移牒廉訪司行移分司與各路文資正官驗各人所業當面令本路教授從公多出試題聽試官選題^擇目面試毋容作弊然後將所試的本程文用印封貯繳連依例行移從翰林國史院考較委中程式者補學錄教諭任滿日須又歷一任方入學正之選已經

任回者一體遷叙學正滿日依上又試果中程式陞府州
 教授如不中式者止於學正內陞用應補府州教授之人
 如年四十以下願試吏員程式許補各部令史並為定例
 若果有年高德邵茂異之士實可考者不拘此例令吏部
 先將江南山長學正任回到選年五十五以下人員照勘
 籍貫歷仕通類開呈腹裏者就便開發及照勘大德元年
 元定吏員程式就便議擬立法考試行據禮部呈移准翰
 林國史院閱依上議擬到考試程式本部開坐具呈照詳
 都者合行開坐咨請依上施行
 初充學錄教諭所試

詞賦二韵 小賦並二韵
 經義論 論孟長各一道 明經解題各一道
 學正陞教授所試

詞賦全賦一道

經義各從所業 大義一道 明經解題二道

選取教官皇慶元年二月 江南行者准 中書省咨禮
 部呈奉省判 御史臺呈江南行臺咨監察御史呈切謂
 學校作養人材之源名爵乃砥礪人材之具材不可以苟
 進爵不可以濫加為治之要必慎於此古之取士必由鄉
 舉里選漢初又設茂異孝廉等科亦由從州縣察舉如董

仲舒賈誼輩始膺茂異之選故其事業卓然可稱隋唐以降專尚科舉雖材俊之士所得亦多而文風日弊士氣日衰得失相半焉欽惟

聖朝累降

詔書勉勵學校作養人材雖科舉之法未行而於儒人選取教官陞轉民職蓋鄉舉里選之遺意從近年以來各處教官老成之士絕少輕薄之人率多蓋由此輩巧攢權門旁趨捷徑或挾多貨或憑貴勢或假藝術小技以動人或緣諂諛利口而得譽是以名德之士潛處山林躁妄之徒恬居師席欽望學校興起人材作成良已難矣所謂超出時

華者即茂異之稱何嘗不由百司保舉風憲體覆且省部定到教官例內雖稱果有年高德邵茂異之士行實可考者不拘此例設使不經體覆則行實何所考况兼茂異等者必德行文學政事材器卓然超邁乃稱是舉似此人材宜從

朝廷特加擢用豈可以一舉正山長使之淹屈將恐所舉者以凡庸冒茂異之美名使冗濫溢教官之常缺莫若今後果有超出時輩茂異之士欽依至元三十一年

詔書事意有司保舉廉訪體覆以備

朝廷選用其餘各官不得泛濫保舉所據學正山長等教官

悉依已定選格不令雜造庶望少塞僥倖之路抑貪競之風其於學校人材以愜公論乞賜移咨御史臺照詳施行本臺看詳選舉教官已有定格如准監察御史所言誠革泛濫之弊咨請照詳准此本臺具呈照詳奉 都堂鈞旨送禮部照擬施行奉此本部叅詳選取儒學教官已有面試通例諸處所舉茂材異等比到部銓類者依例銓注今後薦舉茂異合從原籍官司開寫年甲籍貫可考行實可採錄平日所述文字違於路府摘委文資正官體覆相同行移廉訪司復加體察在京路分從監察御史體察委有可考行實別無冒濫回牒本路繳連的本牒文官吏保結

開申省部以憑選用中間若有冒濫罪及學官如蒙准呈遍行照會相應具呈得此照詳議得各處所薦茂異若委文章可取行實可考者保結移准監察御史廉訪司體察的本司牒並錄連所述文字方許開申餘准部擬都省咨請依上施行

正錄教諭直學延祐四年正月行省准 中書省咨禮部呈奉省部御史臺呈行臺咨廣東廉訪司申惠州路牒呈山長鄭鐸文楊天相得代請依例試驗准此照得白身初入教官例及科舉例欽此除已遵依今據前因除另行外卑司看詳今後學正山長得代給由赴司面試若依大德

恭詳各處教諭學錄名分雖居下列亦須用有學行之人
今後應設教授學正去處依舊例設直學一員許令本處
教授於在學生員內推保才學優長行無玷缺者具申合
於上司令文資正官當面出題試驗經擬史評各一道從
本路出結付身委充勾當三十月為滿勘合給由依上考
試中式補充學錄教諭須歷兩任再行試中方入學正山
長之選學正山長滿日依上再試果中程式繳連程文申
達省部行移集賢院考校中式陞補府州教授如不中式
者止於學正山長內任用所據試驗文字比依科舉例各
從所業試經擬一問詔諸章表古賦科一道如蒙准呈移

咨行省割付本部依上施行得此奉都堂鈞旨即目科舉
既行教授之職尤當慎選送禮部再行照擬奉此行據集
賢院送國子監備國子學呈議擬試驗教官內教諭學錄
一任即陞山長似涉大優却緣自直學至教授中間代試
聽除守缺給由所歷月日前後三十餘年比至入流已及
致仕情有可憫况兼科場取士末等亦是正八品及其教
授入流止得從八若更多添月日將來必無類選教授人
員學校必至廢弛無以作成人材如蒙矜免依從所擬相
應據直學至教授依例陞用外至科舉年分願試者聽以
為便益具呈照詳得此仰回呈禮部照驗施行承此具呈

照詳得此本部叅詳國子監所擬試驗教官通例逐一議擬如蒙准呈移咨行省劄付本部行移合屬照會相應開呈照詳得此都省令將逐項事理開咨請依上施行

國子監議得直學之職止是掌管錢糧廟學祭祀修造等事轉性教官固當慎選然此即目取士法之所以誘進後人不可失於太嚴今後直學有缺擬從本處教官選保在學生員才學優長行無玷缺者具申合于上司委文資正官一員體覆相應移文本路出給付身委充直學三十月為滿約會本路文資正官教官出題面試經擬一問於四書內出

題考較中式須是半印勘合給由以達省部行移集賢院考較陞充學錄教諭中間若有冒濫從監察御史肅政廉訪司糾治

前件議得今後應設教授學正山長去處依舊例設直學一員其所試經疑以經旨明白文辭條暢為中式所據在內直學任滿申達省部行移集賢院考較其在行省者申覆本省儒學提舉司考較餘從國子監所擬相應

國子監議得學錄教諭已經試驗方充前職若又行試驗事涉重複况兼聽除守缺比及兩考仕回動輒

一十餘年不無淹滯今後教諭學錄照依在前歷一
任依例類學正山長內選

前件議得學錄教諭已經驗依舊例須歷兩考依例勘
合給由仍取本人親筆所業文字二十道行移考較如
中程式陞充學正山長

國子監議得學正山長已是有出身人員若依糾舉立式
試驗却緣余外另無優陞以此看詳事涉太重今後
學正山長考滿擬依舊例各隨所業面試經義一道
不拘舊格仍面試詔誥章表科一道考較中式陞充
府州教授如不中式者又以學正山長內任用

前件議得學正山長陞用宜准國子監所合令本路
文資正官同本路教授公斤出題面試經疑古賦詔
誥章表科一道相應

醫官

選醫學教授至元二十二年四月御史臺承奉中書省劄
付來呈精選各路醫學教授訓誨醫生無得濫保空疎無
學之人為此送禮部與尚醫監講究到醫學體例呈乞照
詳都省議到事理仰照驗施行

一擬四件

已設醫學去處教授人員見教生徒照依每年降去
一十三科題目令醫生每月習課醫義一道年
終置簿申覆尚醫監考較優劣有無成績外試
問本學教授題目三道假今有人病頭疼身體

拘急惡寒無汗寒多熱少面色慘而不舒腰脊
疼痛手足指末微厥不煩燥其脉浮而緊澁者
名為何証何法治之假令有人病身體熱頭疼
惡風熱多寒少其面光而不慘煩燥手足不冷
其脉浮而緩者名為何証何法治之假如春夏
月有人病自汗惡寒身熱而渴其脉微弱者名
為何証何法治之另置簿策同本學生員醫人
各簿年終申覆一就考較優劣以見教授能否
有無稱職也

諸路官醫人提舉司或提領所委正官一員專行提
調同醫學教授將係籍醫戶並應有開張藥舖
行醫貨藥之家子孫弟姪選揀堪中一名赴藥
若有良家子弟才性可以教訓願就學者聽據
醫學生員欽奉

聖旨擬免本身檢醫雜泛將來道學成就另行定奪欽此擬將
見教醫生籍貫姓名攻習是何科目經書有無
習課醫義開申尚醫監若道成就依以移擢用
會到儒學例諸教授學錄學正各一員上州中州各
設教授一員下州設學正一員諸縣設教諭一
員卑司今議擬諸路醫學教授一員祇受

抄校書籍

勅牒外學正一員上州中州下州各設一員俱係尚醫監劄付各縣設學諭一員受本路醫學教授劄付庶望後之學者有所師授

各路并州縣除醫學生員外應有係隸籍醫戶及但有行醫之家皆是醫業為生擬合依上每月朔望去本處官聚集

三皇廟聖前焚香各設所行科業治過病人講究受病根因時月運熱用過藥餌是否合宜仍仰各人自寫曾醫愈何人病患治法藥方具呈本路教授外據州縣醫學人每月具呈學正教諭候年終類

呈本路醫學教授考較優劣備申擢用以革假醫之弊

前件議得依准所擬劄禮部行移合屬依上施行仍照會御史臺者

一未設醫學去處自今後保劄_到教授或補填名聞教授許令本路總管府並管醫人提舉司令眾選保委的學問該博醫業精通眾醫推服堪充師範之人具籍貫姓名年甲脚色仍令保定教授親筆書寫醫愈何人病患脉証治法三道連申尚醫監又行體覆試驗者較優劣委的相應准

聖道齋

保施行

前件議得劄付御史臺更令各道按察司體覆相應就便准保施行

一濟世之道莫大於醫術劫病之功本皆於鍼藥若不設立選試太醫科舉其學醫者不知素問本草聖濟總錄之大經焉能愈人疾疾者哉照得至元八年蒙省部已有議寃定選試大醫法度文卷擬乞在限開寫科舉每三年一次選試太醫將十三科目合試經論預宜符下各路總管府嚴行榜諭諸人溫習各科醫經至於試期八月

內隨路總管府試中選去來春二月赴大都省試中選者注定名聞

聞奏收充太醫承應勾當府試中選人補充隨路學官勾當以聽省試收補庶望醫學成就廣得人材精醫而利濟於民生之疾苦以副

聖朝好生之大德如斯則師生盡心所業使學校不為虛沒矣前件議得候舉場文字一就定奪

考試醫官教授元貞二年 月江西行省准 中書省咨御史臺呈監察御史察知李克讓不通醫藥用錢營幹太醫院劄付充單州學正次於濟寧路韓教授處抄到醫義

太醫院擬充嘉興路醫學教授未曾祇受正犯人李克讓
欽奉

聖旨一百個罪囚內疎放了當今後合令太醫院定奪敬試醫
官体例相應得此送吏部行移太醫院議得李克讓不叙
外據各處應保太醫學教授今後令本處醫學教授於官
降題目內出題令本人親筆課義三道治法一道先行考
試相應申呈本路總府行移本道肅政廉訪司体覆與所
保相同至日申覆到院送諸路醫學提舉司又行考較文
理皆通治法相應依例定奪庶革前弊都省准擬咨請依
上施行

醫官合設員數大德二年十月行御史臺據嶺北湖南道
廉訪司申隨處醫官多設管勾人等移准 御史臺咨呈
奉 中書省劄付送吏部移准太醫院關該擬到必須設
立管勾人員外其餘醫司醫正人等之類依准廉訪司所
擬截日罷去相應都省准擬合下抑依上施行承此 腹
裏各路提察司提領與行者所設提舉司所辦事務不同
無設都目人吏管勾已有定例另無定奪
各處行者提舉司提領外

一州縣差撥檢醫催辦差稅驗醫戶多寡必須存立
管勾去處合從提舉司就便保選通曉醫書廉

能人一名勾當委無過犯依例就用設立提舉
司提領去處不須擬設勾當

一府州司縣過有差撥當檢醫正止合于本處見居
醫戶內輪番差遣無得於所屬去處亂行差擾
不安

一隨處提舉司提領既管差稅理會詞訟必合設立
司吏祇候依准廉訪司所擬量設一二名餘外

毋得濫委

一各處提舉司提領所設鑿正鑿司提調鑿戶並寫
發聽探人等即係濫設擬合盡行革去

陰陽官

試選陰陽教授元貞元年二月中書省

奏漢光蠻子田地裏有理會得陰陽人的數目各路裏官人
每好生的要了秀才大夫的體例裏每路分裏委付教授
好生教者那裏有好本事呵每年裏呈了來交這裏試了
理會得呵司天_裏臺也交行者不理會得的交回去呵怎生
麼道奏呵是有不索尋思那般者麼道

聖旨了也欽此除外今據部禮呈陰陽教授令各路公選老成
重厚術藝精明為衆推服一名於三元經書內出題行移
廉訪司體覆相同舉用從集賢院定奪取到陰陽人所指

科目都省准擬除已另行外合行移咨請照驗依上施行

占算 三命 五星 周易 六任 教學

婚元占才大義書 宅元周書秘奧 入宅通真論

瑩元地理新書 瑩元總論 地理明真論

雜職依前攷第品級遷陞例

流官內選用考任迴理流官月日

元擬雜職人員任迴雜職遷陞

平准行用庫官任迴減一資歷

鹽場司令丞管勾任迴減一資

通州等倉官陞一等減一資

通州七倉 李二寺直活二倉 河西務七倉

京畿等十五倉陞一等

豐潤等三倉減一員

各衙門選用人員任迴本衙門所轄取用

匠宮院長至徒五品止於匠官遷陞

管辦錢谷官諸雜職人員例至元二十一年九月定

一辦課分為三等

上等充提領 中等充務使 下等充都監

一辦課官陞轉一週歲為滿

都監三界陞務使 務使三界陞

提領三界陞受省副錢谷官又歷三界於從九

錢谷官內任用

諸雜職人員比附院務官一體陞遷

鹽鐵副管勾 相副裝查批引等官

諸衙門倉庫鹽教等監支納大使

資品錢谷人員例

五千定之上提領正七大使正八副使正九

二千定之上提領從七大使從八副使從九

一千定之上提領正八大使正九省劄副使

五百定之上提領從八大使從九部劄副使

一百定之上係中等錢谷官設提領大使副使

五十定之上設大使副使

五十定之下設都監

倉官窠闕 監納正七 大使從七 副使正八

京倉一十七處

千斯 相因 豐潤 通濟 廣貯 永平 永濟

惟憶 盈衍 豐實 太積 廣衍 既盈 既積

順濟 萬斯南 萬斯北

都倉一十七處

有年 樂歲 富有 廣儲 足食 大盈 盈止

及種 充溢 崇墉 迺積 永倫南 永倫北 廣盈南

廣盈北 李寺 直活

倉官前後陞等例

至元二十六年十一月呈准陞一等通理月日

至元二十九年五月呈准在都通州河西務直沽李

二寺等倉應得資品上陞一等如本倉別無

侵欺短少再陞一等歷過倉官月日例不准

算

元貞二年六月十一日呈准周歲為滿內通州河西

務李二寺直沽倉陞一等除授任回減一資

在都並城外倉五萬石之上陞一等除授一

萬石之上任回減一資

大德二年三月令史揭禧承奉

省判本部所呈擬到京畿都漕運司申各倉官依例交界于後

三月一日立界交代倉一十一處

既盈 相因 惟憶 豐潤 永平 通濟

廣貯 豐實 既積 萬斯南 萬斯北

七月一日立界交代六處

永濟 千斯 盈衍 大積 廣衍 順濟

倉官陞轉減資元貞二年六月十一日 中書省來呈奉
省劄判御史臺呈各處倉官人等有收糧多者四十餘萬
少者不過二萬例陞二等看詳收糧多者倘有照畧不及

失陷短少利害非輕任滿別無侵欺理宜陞用其餘收糧
數少倉官一例陞等中間優若不倫本部斟酌各處優劣
擬到陞加等第緣係為例之事恐擬未當具呈照詳都省
議得今後倉官有缺於到選相應職官於諸衙門有出身
令譯史通事知印宣使奏差兩考之上人內選用依驗難
易收糧多少任回應去地方遷叙依上施行
通州河西務李二寺直沽等倉於應得資品上陞一等
任回交割別無短少減一資通理

通州七倉

足食 有年 及種 富有 盈止 樂歲

收糧一石之上倉官止應依得品級除受任滿
交割別無短少減一資通理

豐潤 大積 通濟 千斯 廣貯 相因 廣濟

平准行用庫窠闕 從八品

腹裏大都在城計六處

順承 文明 光熙 和義 建德 崇仁

外任計一十三處

上都路 遼陽路 太寧路 大同路 太原路 平陽路
保定路 真定路 大名路 東平路 濟南路 益都路
長蘆

江南四十六處

楊州 淮安州 蘆州 真州 泰州 杭州 加興 湖州
常州 平江 鎮江 紹興 慶元 台州 温州 處州
衢州 婺州 建康 寧國 太平 龍興 江州 吉安
贛州 撫州 臨江 袁州 瑞州 潭州 江陵 武昌
福州 廣州 惠州 潮州 靜江 雷州 重慶 安西
成都 寧夏 甘州 英德 饒州 泉州

行用庫窠闕 從八品

腹裏四十二處 副使受部劄

懷孟 順德 廣平 彰德 河間 般陽 衛輝 濟寧

南陽 襄陽 河南府 平濠 隆興 宣德府 河中府 歸德
 萊州 鄆州 曹州 恩州 太安州 濟州 棣州 冀州
 陵州 沂州 訛州 汝寧州 陝州 汾州 單州 奉聖州
 豐州 懿州 夏津縣 鄆城縣 潞州 解州路村 濮州
 南昌 河西務 鄒州

江南三十六處

副使受行者劄付

楊州 杭州北關門 建德 信州 廣德 徽州 高郵
 松江府 鈔州 南康 建昌 南豐 南安 安慶 池州
 興國 安豐 常德 辰州 沅州 蘄州 澧州 峽州
 岳州 寶慶 郴州 泉州 道州 桂陽 武岡 衡州

陝西十一處

永州 沔州 安陸 荊門 茶陵
 延安 鳳翔 興元 鞏昌 平涼 秦州 潼州 慶元
 夔路 順慶 加定 叙州

鈔庫官陞等例

至元二十六年十一月呈准選充鈔庫應得資品陞
 一等通理月日

至元三十一年正月二十二日呈准鈔庫官若流官
 內選充者任回減一資歷雜職人員止經本
 等月日

在都平准行用庫以一週歲為滿
諸路平准行用庫以二週歲為滿

平准庫官咨品至元二十四年 尚書省欽奉

詔書節該造至元寶鈔頒行天下中統寶鈔通行如故欽此
奏准立平准行用庫倒換金銀昏鈔及

奏如今外路裏入來的金銀有麼道說有那金銀根底交來

呵大府監裏不納萬億庫裏另放者交那金銀裏開平准

庫呵怎生奏呵那般者麼道

聖旨了也欽此又奏在先行來的舊倉赤內不曾做賊說謊的

根底則依舊就便交行又管錢物的好人內委付呵怎生

奏呵那般者麼道

聖旨了也欽此先將緊關去處合用至元鈔本交付已差平准

行用庫官及另差官一同管押前去從本省斟酌所割路

分緊慢分俵立庫倒換外所據平准行用庫合關金銀官

本不見本省即無見在並至元鈔本除前項已發外合不

續合關撥數目為此今差同知劉承直馳驛前去合行移

咨依上照勘本省見在金銀所轄路分合俵官本及所用

至元鈔本除已發外斟酌續合關撥數目擬定差能幹官

員將引庫子馳驛咨星夜前來大都關撥外據庫官除

都省已差外其餘去處從本省於見任並得替無粘帶過

犯職官遴選相應提領大使即令開庫勾當開具脚色保
結咨來給降

勅牒施行

一都省擬注平准行用庫並行用庫官提領作從七大
使作從八選相應人員從優銓注應得八品之人
擬充提領九品擬充大使如元係民官任回亦照
見定資品於民官任用

平准行用庫設

提領一員從七品 大使一員從八品

副使一員從本路官司於有抵業不作過犯上戶內選充

行用庫設

大使一員從八品 副使二員

一員有省劄差受行劄付
一員本路官司於有祇業不作過犯相應人內選充

選差倉庫人員至元三十一年御史臺咨奉

中書省劄付准江西行省咨該先為各處官司差稅戶充
倉庫官攢典庫子人等放富差貧本省與行臺監察等一
同完議得南方稅家子孫相承率皆不曉事務唯以酒色
是娛家事一委幹人歸附之後捉充倉庫官並不諳練錢
谷又不通曉書算失陷官錢追陪之後破家蕩產亏官損
民深為未便如蒙照依本省移准中書省咨文事理今後

各路倉庫官大使副使擬於見役府州司縣吏典史內驗
物力高者指名點取如有不敷本省立格差取倉官已後
告閑司吏典史內有物力之家仰一體選差似革官吏貪
饕之弊亦絕百姓破家之患今將吏部議擬到倉庫官出
身定例開坐前去請定奪回示除已依准江西行省所擬
另行外仰行移合屬嚴加體察施行

一本省於至元二十九年二月十六日議擬到廣濟庫
提領大使副使並各路倉庫大使副使及平准
行用庫副各各出身定例開坐移咨去後於至
元二十九年閏六月初六日回准中書省咨該

送吏部逐一議擬到下項事理

本省廣濟庫

提領大使各員一於本省到選人員選取慎行止不
作過犯者有祇業人員另行移咨都省

前件照得本庫行使從九品印信提領大使宜從本
省選差相應

副使二員各路總管府請俸司吏內驗物力高者選
取驗實歷請俸月日十個月之上三十個月之
下充庫副一界月日別無侵借粘帶充吏日四
十個月之上六十個月之下充庫副一界滿日

充都目七十個月之上九十個月之下充庫副
一界滿於各路提控案牘或巡檢內任用似為
相應

前件照得循行例腹裏各路總管府司吏年及四
十五以上請俸六十個月方許保申擬吏目兩考
轉都目一考陞提控案牘兩考與正從九品如請
俸及九十月擬吏目減一考陞轉又行省所轄各
路提控案牘三考與正從九品巡檢九十月與從
九品今本省既於各路總管府請俸司吏內選取
廣濟副使即係出給錢谷之職以此參詳如司吏

請俸二十個月之上及一考者選充一界滿日別
無粘帶年四十五以上與吏目年未及者於務使
內任用如四十個月之上六十個月之下選充者
一界滿日年四十五以上與都目年未及者院務
提領內任用七十個月之上至九十個月選充者
一界滿日年五十之上與提控案牘四十五之下
於巡檢內任用相應

攢典庫子於州縣請俸司吏內驗物力高者指名勾
充滿日別無侵借粘帶於院務都監大使或總
管府司吏縣典史內定奪相應

前件照得呈准萬億庫司庫如曾受宣慰司總管
府轉運司等衙門付身院務相付等官一週歲於
院務提領內任用一週歲於務使內用州司吏充
司庫勾當二週歲於吏目內用願充務使者聽司
縣司吏充司庫勾當二週歲於吏目內用添一考
陞轉今本省既於州縣司吏內勾充廣濟庫攢典
庫子即與萬億等庫事體不同今咨本省更為照
勘講議彼中事體比准前例量擬三十個月之下
二十個月之上州吏內選充者滿日轉補各路總
管府司吏縣吏內充者轉補各州司吏相應

合千人秤子合千人於有物力曾官中勾當相應戶
內點充秤子於有物力金銀匠戶內點差滿日
別無侵借粘帶行下各路於本路院務官副使
內定奪或免本戶三年雜泛差役

前件照得呈准萬億四庫秤子擬大都人戶內選
差二週歲滿日解由到部擬於近下錢谷官內任
用今本省既於金銀匠戶內點充廣濟庫秤子既
係白身人員勾當其間依例合免本戶雜役滿日
別無粘帶許移轉再充秤子一界於近下錢谷官
內叙用相應具合千人即係祇備役使之入別無

鈔校書

定奪

各路平准行用庫除提領大使外副使並倉庫大使副使等

倉庫大使副使並平准行用庫副使於總管府請俸司吏內驗物力高者點取倉庫官滿日別無侵借粘帶歷過倉庫官月日加倍准算司吏月日比附廣濟倉副使例降一等定奪似為相應

前件議得既於各路總管府司吏內選充滿日別無粘帶止合驗實歷司吏月日諸倉大使比附廣濟庫副使一體叙用其餘副使人員降等定奪如

充歷司吏月日淺短許轉移再充副使一界依上選叙相應

攢司庫子於州縣請俸司吏內驗物力高者指名勾充得替別無粘帶擬於總管府司吏或各路院務副使內定奪相應

前件照得先承奉尚書省劄付呈准大都順承平准庫攢典轉都提舉萬億四庫司吏庫子一週歲於務使內任用其餘各路庫子攢典別無州縣司吏內選取定例亦無定奪出身以此叅詳似難定奪

知聖道齋

合設庫官員數大德元年七月 御史臺承奉

中書省劄付戶部呈照勘到大德元年實有合科差戶數
議擬到逐項事理內一款合設庫官色目漢人相叅大者
三員小者二員攢典庫六大處三名小處二名除 都省
差設監納使各一員余從各路選差近上有抵業信實人
充自開庫日為始本路正官輪番監察須要官降秤尺兩
平收受毋得大收加耗取要分例仍禁約官豪勢要人等
不得結攬如有違犯之人依
條治罪先具保定庫官人等姓名申部其收差發數目上下
半月入遞飛申

平准行用庫副例大德元年九月湖廣行省准

中書省咨吏部呈各路平准行用庫官提領從七品大使

從八品副使於有抵業廉慎行止不作過犯人內從本處

官司選保照得大都平准行用庫既與大都從九品本部

叅詳外路平准行用庫既與大都庫所掌事務品職皆同

副使擬合比依大都一體為從九品於到選流品官內銓

注相應得此於大德元年五月二十九日

奏過事內一件外路倒換金銀鈔立省平准行用庫倒換鈔
立省行用庫有庫裏行的人每上頭的兩員受勅的人每
裏頭委用第三個的路官每委付者為那般上選揀貧富

多搔擾百姓每有俺商量得平准行用庫裏行的這裏於九品人內與勅委用行用庫裏的與吏部劄付委用行省管的他面裏教行省官每委付呵怎生奏呵奉

聖旨那般者欽此都省咨請於曾受本省劄付錢谷官並相應人內欽依委付施行

行用庫副例大德三年湖廣行省准 中書省咨來咨行

用庫副依例於近上錢谷官內委付外看詳行用庫掌管

鈔法責任非輕量擬二週歲為滿交換相應咨請照驗准

此照得

奏過管鹽茶課程等運司管押鈔提舉司管糧的漕運司官

每在先三年替換來後頭桑哥等奏了錢谷的勾當裏行多時呵做賊說謊麼道交二年替換奏來如今俺商量的二年替換呵行勾當卒急的一般依在先體例裏三年替呵怎生奏呵奉

聖旨那般者欽此

倉庫官例大德八年七月江浙行省准 中書省咨吏部

呈腹裏至元二十五年呈准各路司吏實歷請俸六十月

吏目歷兩考陞都目一考陞提控兩考陞正九若路司吏

九十月歷吏目一考與都目余皆依上陞轉議得江南提

控案贖除各路司吏比依腹裏路分至元二十五年呈准

定例遷除其餘已行直補並自行踏逐根脚淺深之人自呈准月日立格實歷案牘兩考者止依至元二十一年定例九十月入流未及兩考者再添一資遷除例後違越補之人雖有役過月日別無定奪本部叅詳各路及考並滿考司吏員多缺少於內亦有選充倉庫大使副使人等若便照依先例擬陞提控案牘都吏日內定奪恐與新例差池咨請定奪回示准此照得至元二十九年吏部呈議得各省既於各路總管府請俸司吏內選取廣濟庫副使即係出納錢谷之職叅詳如司吏請俸二十月之上及一考者選充一界滿日別無粘帶年四十五之上與吏日年

未及者院務使內任用如四十月之上至六十月選充者一界滿日年四十五之上與都日年未及者院務提領內任用七十月之上至九十月選用者一界滿日年四十五之上與提控案牘四十五之下於巡檢內任用又各路倉庫大使副使並平准行用庫副使既於各路總管府司吏內選充滿日別無粘帶止令驗實歷司吏月日諸倉大使比附廣濟庫副使一體叙用其餘副使人員降等定等如元歷司吏月日淺短許移轉又充副使一界依上遷除已經移咨本省依上施行咨請照驗准此照得各處錢糧造作責在有司管領各具有正官提調每歲取勒認狀設有

鈔校書籍
弓欠着落追陪其倉庫官員在前俱係各路自行選差近年來以本省銓注中間恐無抵業設若侵欺錢糧造究無可折挫有累官府深為未便省府仰照驗今後照依都省咨文內理事於各路見役司吏或曾受三品以上衙門文憑歷過錢谷官三界相應人內從公選用有抵業無過之人充倉庫官滿日依例陞遷施行

倉官貼補庫官對補至大二年九月袁州路奉江西行省劄付撫州路申准總管王嘉議閱該近奉省劄臨江路總管萬少中言司吏先充倉庫官重役滿替給由到路不行從優先行定奪却與補人數一例挨次守缺停闕

數年不能還後倉官已有養廉分例尚蒙省部定法出身惟有庫官另無俸給養廉又無優陞定例若莫今後庫官對缺收補事省府依准所言對補相應仰照驗施行奉此除遵依外切照倉官交取糧米庫官收支錢帛各任重責利害頗同倉官雖有分例徃徃因而消折正糧將分例賠納還官少有得為養廉之資者雖蒙省部定立出身及庫官對補却緣多有在前歷過倉官重役月日未及不該陞轉例應陪補及庫官得代在通例之先者補司吏一體挨次守缺久不得補停間生受若擬令先儘收補相應申乞照詳照得至大元年十二月十二日臨江路申前事已

經劄付本部依上施行外今據見申省府議得今後各路
例年例於見役司吏內差充庫官歇下名缺須候得替庫
官給由到路對缺填補還役外但遇路吏有缺須要先儘
歷過倉官重役月日未及不該陞轉之人及庫官得替在
通例之先者亦須挨次貼補余有名缺方及初補人員無
得換越合下仰照驗施行

倉庫官陞轉延祐四年十月行省准 中書省咨來咨撫
州路脩大盈庫甲庫使張京另無俸給如蒙定俸給祿唯
腹依湖廣省元擬庫官週歲滿替准理路吏月日考滿依
例陞轉官吏俸給已有定例外據倉庫官陞轉一節本省

未奉前因咨請照驗准此送據吏部呈奉中書省劄付本
部呈江浙省咨各路司吏歷俸已及兩考在役選充五萬
石之上倉官一界如無侵欺粘帶合元將歷過倉官月日
比路吏一倍折算歷五百石之下倉官月日以二折三與
元役路吏俸月通九十月照依見奉通降通例歷典史一
考陞轉唯復五萬石之上者比同考滿路吏出身充典史
一考陞吏目五萬石之下者於典史內添一考依例遷叙
本部議得江浙行省各路見役司吏已及兩考選充倉官
如無侵欺粘帶比同考滿出身充典史一考陞吏目依例
遷叙相應都省仰依上施行奉此已下主事斤標附格例去

訖今奉前因本部議得江西省咨倉庫官役滿未奉陞轉
定例依此參詳合依呈准江浙行省元擬如係路吏歷俸
已及兩考選充倉官一界別無侵欺粘帶比同考滿出身
充典史一考陞吏目遷叙庫官週歲如無粘帶准理本等
月日考滿依例陞轉如蒙准呈移咨行省照會札付本部
為例遵守具呈照詳都省咨請依上施行

局院官

工匠官陞轉例至元二十二年五月省判吏部工部議定例
院長百二十個月陞正九匠官

正九兩考從八 從八三考從七 從七三考正七

正七兩考從六 如正六從六窠闕擬加從六散官
止於所轄衙門正七匠官用

從六三考從五 如正六匠官省闕許於
已受從六散官人內用 正六兩考從五

從五三考正五 別無正五闕陞加五品散官於從五匠官選用

一千戶之上

提舉從五 同提舉正七 副提舉從七

五百戶之上

提舉正六 同提舉從七 副提舉從八

工匠局官品級至元二十四年湖廣行省准中書省咨本省管轄工匠局院一十三處除潭鄂二州已有管匠官員外請定奪局官職名印信事准此 都省照依匠戶數目斟酌定到下項管匠衙門品級外據印信等候注到本處局官受除了畢至日定奪咨請照驗施行

一今定江南匠戶品級以入局工役匠戶為數

提舉司

三千戶之上 提舉從五 同提舉正七 副提舉正八
二千戶之上 提舉正六 同提舉從七 副提舉從八

局使副

一千戶之上 局使正七 副使從八
二千戶之上 局使從七 副使正九

院長 五百戶之下止設一員

局院匠官遷陞 尚書省咨至元二十七年四月十一日奏過事內一件在先哈赤哈刺奏來管匠官教遷轉呵造作或好或歹或短少呵難尋覓的一般有不教遷轉呵怎生麼道奏呵是也休教遷轉者

聖旨有來如今江淮省官人每沙不丁那的每與將文書來管匠官常州教管匠官每不教替換呵匠人每管匠官每偷

盜了錢物呵一個一個根底廝拿着罪過不告有管匠官
三年滿呵不交管民這局裏的官人每那局裏那局裏的
官人每這局裏只教管匠的勾當裏遷陞的說將來有俺
與工部官商量得依他每說將來的三年依體例遷陞呵
怎生麼道那般者

聖旨了也欽此

場務官

額辦課程處所

一萬定之上

提領從六

大使從七

副使從八

杭州在城

江漲

城南

真州

五千定之上

提領正七

大使正八

平江 潭州 太原 平陽 楊州 武昌 真定 安西

三千定之上

提領從七

大使從八

建康 龍興 温州 泉州 芦州 江陵 淮安 慶元

鎮江 福州 成都 清江鎮 恩州 保定 大同 衛輝

汴梁 濟寧 東平 益都 大名 吉安

一千定之上 提領正八 大使正九

婺州 建德路 紹興路 江州 湖州 無錫 饒州 寧國路

建寧路 嘉興路 重慶路 華亭縣 杭州 長安 高郵府 安東州 公安縣

衡州 武城縣 河間長芦 中山府 高唐州 濟陽縣 濟寧路 南宮縣

章丘縣 懷孟路 彰德路 夏津縣 鄆城縣 豐州 單州 通州

陵州 棣州 泰州 和州 常州

五百定之上

富陽 崑山 嘉定 餘杭 常熟 長州 吳縣 木續

金壇 江陰 宜興 海鹽 崇德 台州 蕪湖 南潯

徽州 池州 淳安 衢州 信州 南昌縣 太平在城

贛州 崑喻州 長沙 袁州 萬載 建昌 廬陵 永和

靜江 湘潭州 宜春縣 岳州 禮陵州 寶慶 泉州 晉安

益陽州 瀏陽州 常德州 巴陵 安慶 安豐 福州 閩安

濠州 盱眙州 巢縣 漢陽 棗陽縣 興化 永興縣 劉市

蘄州 無為縣 黃州 潞州 碭山縣 濮州 彰德 輔石

滑州 南樂 楚江 河中府 河南府 汶縣 長城縣 浦城

虞州 滄州 亳州 東河縣 襄陵縣 安陸府 荆山 永隆

鄧州 弘州 冠州 鄒平縣 東明縣 清平縣 虞城縣 開州

睢州 濟州 陽谷縣 武清縣 東鹿縣 順德縣 許州 汾州

益州 臨水縣 奕水縣 考城縣 汝寧州 金鄉 定陶 禹城

齊東 鞏昌 吳元 襄陽 浮梁景德 瑞州

內外稅務窠關

大都等處腹裏稅務七十二處

大都在城宣課提舉司

猪羊市從七 馬市從七 牛馬市從八

菓木市從八 會城煤木所從八 武清縣從八

太原路在城正七 汾河務從八 真定路正城正七

中山府在城正八 冀州南宮縣正八 棗強務從八

蠡州務從八 平陽路正七 洪洞縣從八

河中府從八 潞州務從八 濟南路從八

祿州正八 章丘縣正八 濟陽縣正八

鄒平縣從八 恩州從七 濮州從八

大同縣從七 豐州務從八 弘州從八

保安路三使司從七 東平路從七 汶上縣從八

陽谷縣從八 東河縣從八 衛輝路從七

懷孟路正八 大名路從七 開州務從八

東明縣從八 長垣縣蒲城務從八 滑州務從八

南樂縣從八 高唐州正八 夏津縣正八

彰德路正八 輔岩務從八 濟寧路正八

單州務正八 鄆城縣正八 濟州務正八

碭山縣從八

虞城縣從八

金鄉縣從八

曹州務正八

益都路從七

沂州務從八

長芦務正八

河間路正八

滄州務從八

濟東縣從八

順德路從八

東昌路從八

泰安州從八

德州從八

清平縣從八

兗州務從八

廣平路從八

平漢路從八

江浙行省四十處

杭州在城稅課提舉直隸省

藍官州正八

富陽務從八

余杭縣從八

長安務正八

吳縣木德務從七

長州縣從八

常熟州從八

崑山州從八

嘉定州從七

建康路從七

慶元路從七

温州路從七

鎮江路從七

金壇縣從八

太平路從八

饒州路正八

浮梁縣正八

紹興路正八

池州路從八

加興路正八

崇德路從八

海鹽州從八

湖州路正八

江陰州從八

澈浦務從八

無錫縣正八

烏程縣從八

常州路正八

建德路正八

淳安縣從八

宜興縣從八

松江府從八

信州路從八

徽州路從八

華亭縣從八

衢州路從八

台州路正八

江西行省一十八處

龍興路從七

南昌縣從八

富州務從八

吉安路從七

廬陵縣從八

新淦州從八

臨江路從七

永和務從八

袁州路從八

宜春縣從八

江州路正八

萍鄉州正八

分宜縣從八

萬載縣從八

瑞州路從八

建昌路從八

撫州路從八

廣州路正八

福建行省六處

福州路從八

閩安縣從七

泉州路從七

晉安縣從七

建寧路正八

興化路正八

遼陽行省二處

大寧路從七

遼陽路懿州從八

河南行省三十四處

楊州路正七

真州從六

高郵府正八

泰州正八

通州正八

廬州從七

和州正八

安慶路從八

黃州路從八

蘄州路從八

蘄水縣從八

安豐路從八

無為州從八

巢縣從水

濠州從八

峽州路從八

沔陽府從八

荊步務從八

江陵路從七

公安縣正八

枝江縣從八

淮安路從七

東安州正八

泗州盱眙縣從八

汴梁路從七

睢州從八

考城縣從八

許州從八

汝寧府正八

襄陽路從八

安陸府荆山縣永隆務正八

歸德府亳州從八

南陽府鄧州從八

河南路從八

陝西行省四處

奉元路從八

鞏昌府從八

秦州務從八

興元路從八

四川行省二處

成都路從七

重慶路正八

甘肅行省二處

甘州稅課從七

寧夏路從七

湖廣行省一十九處

潭州路正七

湘潭州正八

長沙縣從八

湘陰州從七

益陽州從八

瀏陽州從八

醴陵州從八

攸州從八

武昌路正七

湘潭州下
市務正八

通城縣從八

衡州路正八

常德路從八

岳州路從八

巴陵縣從八

漢陽府
漢陽縣從八

興國路永
興縣市正八

靜江路從八

河泊一十六處

知聖道齋

歸德府從八

安慶路從八

黃州路從八

汴陽路正七

景陵縣正八

常德路從七

玉沙縣從七

江州路從七

沅山湖從七

潛江縣從八

監利縣從八

漢陽府正八

安漢湖從八

武昌路西保從八

寧州正八

岳州路從八

上黃岡湖從八

竹木場四處

杭州從八

岳州路平江州從八

真州從八

安陸府芦祿湖從九

鹽場額辦引數目

週歲內外額辦計一百七十一萬六千六百七十引

腹裏

大都二萬引

江南二十五萬引

竈三千五百六十五戶

山東二十四萬引

竈二千七百八十戶

行省 都轉鹽運使司

兩淮 六十五萬二千四百七十五戶引 竈一萬四百三十二戶

兩浙 三十五萬戶引 竈一萬五千八百九戶

陝西 七萬四千戶引 竈二千戶

四川 一萬四千六百九十五戶引 竈六千三百五十一戶

福建 七萬引

竈 一萬一千七百八十二戶

廣東鹽提舉 二萬一千五百引

廣海鹽提舉 二萬四千引

鹽場窠闕處所

大都運司鹽場 大德七年三月併入河間運司

惠民場 濟民 石碑 越支 芦臺 三汭沽

河間運司十六處

利國 濟民 鎮場 利民 海豐 富民 海潤 阜財

富國 厚財 興國 豐財 海盈 潤國 益民 海阜

陝西運司解鹽場

四川鹽茶運司十七處

簡鹽 隆鹽 嘉定 順慶 保寧 大寧 長寧 潼川

紹慶 雲安

遼陽路鹽司三處

管勾正九

瑞錦等處

印蒙場

山東鹽運司

濱鹽司七處

從五品 管勾正九

永利場 寧海 永阜 豐國 富國 豐民 利國

樂鹽同五處

從五品 管勾正九

官臺場 高家港 新鎮 王家崗 箇堤

膠蕭鹽司八處 管勾正九

西田場 海倉 登寧 行村 信陽 即墨 石河滄頭 濤洛

兩淮鹽運司 楊州置司 官五員 正三品二員 正四正五正六各一員

各場鹽司三十一處 司令從七 司丞從八 管勾從九

馬塘 掘巷 西灣 余東 余中 余西 金沙 石港

江西 豐利 白駒 東臺 梁塚 小海 草堰 劉庄

小陶 角斜 富安 河塚 拼茶 丁溪 板蒲 天賜

臨洪 五祐 新興 莞瀆 徐瀆浦 白硯 廟灣 今併

鹽倉三處

通州 泰州 淮安路

檢校秤鹽二處

揚州東門 真州新城

廣盈庫 提領從八 大使從九

江海巡鹽官從九

兩浙鹽運司 楊州置司 官五員 品同兩淮

浙東鹽司場二十五處

三江 曹娥 芦花 石堰東 石堰西 岱嵩 龍頭 東江

鳴鶴東 鳴鶴西 黃岩 雙穗 長亭 天福南 天福北 清泉

永和 杜瀆 昌國正監 岱山 穿山 長林 委溪

高南泉 海內不同 長山玉泉

浙西鹽司場十一處

江灣 黃窰 浦東 橫浦 袁浦 鮑郎 下沙 青村

芦菴 沙腰 海沙

杭州鹽司場九處

茶槽 仁和 北柵 許村 南路 西兵 錢清 錢塘

西路

檢校秤鹽三處

杭州 慶元 加興

福建鹽運司

鹽司二處

福建 興化

鹽場十八處 管勾正九 同管勾從九

海口 牛田 嶺口 南鄉 北鄉 潯美 惠安 港據

東坂 馬欄 梧州監 吳慣 泗州下里 涵頭上里

中冊木積 長溪南鄉 漣江

廣東

東莞等處鹽司十二處 管勾正九

都料 海晏 矧矧 歸德 小江 東莞 招收 疊福

雙恩 石橋 黃甸 靜康

惠州等處淡水鹽司

石隆 淡水

潮州小江等處鹽司

井隆

南恩州鹽司

鹹水

茶場窠闕處所

江西等處權茶都轉運司

所轄茶提舉司十五處

龍興 興國 寧國 杭州 平江 建寧 岳州 常德

潭州 臨江 房州 靜江 江州 常州等處 石運安等處

批引所二所

真州 太平 蕪湖

委用商稅務官至元三十年三月初五日 中書省

奏過事內一件腹裏江南的稅務官行省官人每委付無根

脚的人如今俺商量得提領受

勅這裏委付將去次二的行省官委付次三的路官委付呵

怎生奏呵那般者

聖旨了也欽此都省今擬稅課中統鈔為則自五百定至一萬

定之上辦課提領擬受

勅牒於流官內銓注二年為滿大使從行省吏部於有解由

合叙相應人員內依例遷調副使從各路欽依累降

聖旨於本處係籍近上戶內公選有抵業慎行止信實人員避籍任用自至元三十一年為始管辦各週歲交代行省以下官員並不得用私已帶行門下之人仰本道廉訪司常加體究都省議得如提領係漢人就委色目人充大使提領係色目人委漢人充大使相間勾當呵

恢辦錢糧增弓賞罰元貞元年八月 福建行省准

中書省咨元貞元年閏四月十六日

奏過事內一件漢兒蚩子田地裏合辦的差發稅糧鹽等諸色錢糧數目一年額辦的金子二百九十三定銀子三千

三十二定鈔三百三萬六千九百七十三定段足紗羅等七十四萬九千八百一十一疋系四十九萬一千一百四十七疋勦綿子二萬二千四百八十六疋更有倉糧等各處委付着的行省官人每并錢糧勾當裏委付着的當該人每去年勾當裏在意向前比合辦額外增余的也有辦上額的也有辦不上額弓了的也有南京省官着的兩淮鹽的勾當裏行的人每年時的勾當裏怠慢弓了五千定鈔十萬引鹽的上頭前者有

車駕出大都來的那一日失刺怯兒奏了差的札刺兒牙脫帖木兒戶部張尚書兩個去來做賊的勾當裏入去來的

人每勘當得緣故是實就那裏要了罪過的勾當裏合省
居役的交居役者合罷了的交罷了除那般的未曾做賊
勾當裏怠慢來的人每要了招說將來者比額多辦出這般奏來京北
府鹽的勾當裏委付着的人每去年比額多辦出一萬五
千二百餘定來怯烈牙也先帖木兒等年時那裏有來的
省官每根底做記驗與襖子鹽運司裏向前幹辦來的人
每根底添與散官呵怎生又濟南運司的鹽課在先年分
不曾辦額來去年別思呵等除額外多辦出四千餘定來
這的每根底做記驗各與一個襖子似這的每其餘各處
錢谷勾當裏委付着的人每向前辦出增余來的根底酌

量着事體添名分或與賞的斟酌與呵怎生勾當裏怠慢
辦不上額有虧的呵斟酌着輕重合要罪過的要了罪過
合罷的罷了誠衆行文書呵怎生奏呵您的是也向前在
意來的每根底添名分更與賞者

聖旨了也欽此

增餘課鈔遷賞行中書省准 中書省咨元貞二年七月

十五日

奏過事內一件管辦錢的人每辦上額外中增一分呵與賞
更添名分麼道來如今各省裏的去年辦到的雖有增余
呵不及賞的分數唯京兆省福建省這兩處的呵到給賞

的分數去年為京兆省的向前來的上頭也先帖木兒等省官每根底做記驗各與了一個家襖子來如今年又向前來的上頭各與一個納失失呵怎生福建省的為今年這一年向前來的上頭省官每根底各與一個家襖子呵怎生近一的各處運司官每等管辦錢來的人每根底斟量着他每的勾當合與賞的依體與襖子添與他每做官呵怎生奏呵奏

聖旨那般者欽此都省另行給賞外咨請遍行合屬照會用心恢辦施行
院務官品級大德三年行有准 中書省咨吏部呈奉省

判陝西行省咨安西路在城每辦納稅課一萬四千餘定
提領祇受

勅牒大使副使亦合於流官內選用本部照得至元三十年

三月初五日

奏准腹裏江南稅務官提領受

勅牒這裏委付將去次二的行省官委付次三的路官每委
付受

勅提領於流官內銓注一萬定之上從六品五千定之上正七品二千定之上從七品一千定之上正八品五百定之上從八品今本部照得各處稅務提領品級至從八至從

六驗課程多少定立俱受

朝命其大使副使却係行省並各路所委無出身之人連署
勾當於理未宜今擬提領量分三等內從六至從七者所
設使副各一員遞降二等正八者大使正九副使注省劄
錢谷官如從八者大使從九副使注近上錢谷官若拘行
省所轄去處須要到省相應人內選充余外不許濫設又
腹裏五百定之下院務副使擬從本部於到選相應人內
通行銓注庶易遷調行省一體施行具呈照詳

都省於大德二年十二月十八日

奏過事內一件隨處大小城子裏辦課多處俺於合遷轉合

受

勅牒受劄付委付將去有以次的件當每行省並各路委付
行有亂的一般教外處官人每委付人的上頭他每自己
其間致怨又不相應的人每根底委付有合從上司於遷
轉入內委付將去呵宜的一般課程也盡實到官也者多
人每題說有俺商量得有體例有斟酌所辦課程多少去
處挨次分作五等於合遷轉人內委付將去呵怎生

奏呵奉

聖旨那般者又各處行省所轄并腹裏應管諸色錢谷五百定
之下合設人員行省所轄的交行省依例於合遷轉人內

委付腹裏所管的教吏部依體例委付呵怎生商量來奏
呵奉

聖旨那般者欽此

又例延祐三年正月行省准 中書省咨延祐二年六月初五日

奏過事內一件在先各處院務裏五百定之上至一萬定之上辦課去處驗着錢數依着等第定擬了委付人教行有來去年為比之在前物貨價直貴了有麼道各處委人教監辦呵比至額辦出增余數了來如今將那增餘出來的也作額數辦有依在先立來的體例辦五百之上院務去

處驗着鈔數合改陞衙門去處二百五十三處合委付五百六十三員官有麼道吏部官定擬了與了俺文書有依着他每定擬來的教行呵怎生麼道奏將來有奏呵那般者麼道

聖旨了也欽此都省除外今將改陞改設處所品級開坐咨請
照驗欽依施行

辦課官齊年交代大德八年八月二十六日湖廣行省准
中書省咨吏部呈准文部閔承奉中書省判送本部呈大都宣課提舉司申果木市大使王秉智言辦課官員齊年交代斷沒匿稅物貨扣算合該稅錢依例給附其餘數內

一半給賞一半別項權收相應具呈照詳得此覆過奉
都堂鈞旨送戶部依上施行

一錢谷人員互相交代日月不等至甚未便切見祇受
勅牒者二年為滿受省部劄付者週歲為滿若是俱於各年
正月禮任或一年二年却於正月交代辦到課程
如有增餘盡實到官如有虧兌陪納無詞或云望
月交代暮月之任暮月交代增虧相補與齊年交
代無異此說未當假說大都籍貫除得真定河間
濟南東平等處近者五六百里遠者千里之外於
望月之任始初到彼不知本處地里出產物貨人

情事體善惡雖有攢攔不係上司所設又無工俸
別不營生全籍稅務營求衣食養活家小輸納本
戶差役誰肯盡心奉公及院務官多者二年少者
一年倏忽得代結構店鋪把柄行市通同作弊收
歛契稅百端欺謾其課十無五六到官及務官通
曉辦課事體見是春月虧課盼到向前望月補辦
却早交代新任之官又遭前弊因此不便參詳錢
谷之職難同有司接卷承行不致稽遲而已務司
虧課前官不能給由後界焉肯認辦年終考校定
是追陪前官供責己是得替後任稱詞不係本界

官司雖有法治終是兩各縈纏後界交代固亦如此展轉留患何時而盡合無齊年正月立界望暮增虧相補庶革前弊永除後患新舊各各便益前件辦課官員齊年交代事關銓選就行吏部議擬施行今來本部照得各處辦課衙門依驗課額銓注受

勅牒者二年為滿受省部劄付之人週歲為滿例合齊年交代增虧相補緣已除人員若值虧兌時月有所窺避課程增羨却行赴任以致相換交替實為未便又提調官司不詳辦課事體遇虧月勒令揭借陪納增月

委人監辦因而索取諸物受要屬托致課程額重不能恢辦及照得大都宣課提舉司大德八年所辦課程虧兌蓋因本司官員節續以致交代如此至大德九年都省

奏奉

聖旨本司官四員正月為始交代辦課比之上年增羨以此參詳受

勅院務止依舊例二週歲為滿合准所言與受省部劄付錢谷官一體立界齊年交代若今歲月日不等已到任者並擬大德十一年正月交代近滿未代之人擬自大德十年

正月交代依例二週歲為滿其年深結構店鋪收飲契稅欺謾官課把持務官作弊攔人等擬合盡行革去果有順行不作過犯之人從新任官選委不許泛濫多設如此少革前弊如准所呈乞賜遍行照會具呈照詳得此都省除外咨請照驗依上施行

院務副使叙格大德四年正月江西行省劄付大德三年二月二十九日准中書省咨該腹裏五百定之下院務副使擬從吏部於到選相應人內通行銓注庶易遷調行省一體施行准此已經照會去訖今據各路申到本處元設副使人員數多亦有遠近得代人數慮恐已後員多闕

少難以遷調除將已到選人員另行議擬勾當仰照驗擬自至元三十一年為始至大德三年若受本路付身曾充三界院務副使者許令照勘明白抄連各界得代無粘帶解由用半印勘合依設保結開申毋得濫舉違錯

鹽管勾減資至元二十一年九月中書吏部承奉中書省判送本部原呈奉省劄付兩淮運司管下三鹽司俱擬革罷所設鹽場管勾擬陞正管勾作從七品同管勾作從八品副管勾從九品於流官內選充依倉官例陞一等資品本部除已依上陞轉選注外照得江南兩浙接連並腹裏河間山東大都等處運司所轄鹽場甚多即目俱設

管勾正九同管勾從九副管勾根脚淺短者量授部劄今
兩淮管勾俱合例裏注代若便依上銓注慮恐其余運司
所轄鹽場管勾指例陞等銓注豈惟銓選不一有碍遷調
叅詳兩淮鹽司管勾若于流官選注任回別無粘帶擬減
一資陞轉原係雜職人員注充止理本等月日庶望易得
調選呈 都堂鈞旨送本部依上施行

朝廷政令遠方邊閩事情不為不重廣海極邊新附地面相
離本省三千餘里與即腹裏事體不同若比於站戶內選
取豈惟不諳站赤事務倘有機密公事中間恐非所宜莫
若於色目比人內選用相應相叅勾當佾為長便咨請回
示又准湖廣江浙行省咨為前事擬合照依舊例從本省
於已設提領內銓注委任百戶從路府州縣提調正官於
站戶內選保相應送據兵部呈照得江西等省咨站戶內
選保站赤江南腹裏事體不同倘有邊閩軍情機密事務
恐非所宜以此叅詳合咨各省照勘各站驛令若有急缺
或不設去處於相應人內銓注提領一名相叅勾當如蒙

准呈照會相應具呈照詳得此
都省咨請依上施行

首領官

上中州添設首領官大德四年六月 江西行省准

中書省咨該河南省咨管下歸德汝寧南陽等處散府北
河北衛輝等下路所轄州縣數多地面寬濶止設提控案
牘一員或有病故耽誤公事若蒙斟酌比附下路添設知
事一員照畧案牘便益又據吏部呈開州申各處散府正
四上州從四所轄事務不在一路之下首領官止設提控
案牘一員凡有科撥差稅獄訟戶婚應議事理必須首領
官因議如或差故止令司吏獨名係歷署押文字其間不
能照畧散府上州合無添設知事一員中下州添設提控

案牘一員不致差池本部除中下州一節近後定奪今議得寶鈔提舉司萬億四庫儀鳳教坊二司俱係四品各有知事提控案牘散府上州亦是四品所掌事務尤為繁重然雖裁減終非冗員如准府州各添知事一員作從八品提控案牘依舊受吏部付身庶幾官不缺人事無耽滯得此都省議得散府上州添知事一員中州添提控案牘一員合設知事除已銓注

聞奏外其隸屬行者提控案牘咨請更為照勘無差就便於相應人內銓注

江南提控案牘吏目遷轉大德四年八月江西行者准 中書

省咨該吏部呈議擬到腹裏江南都吏目提控案牘陞轉通例都省准擬除外開坐咨請依上施行

江南提控案牘都吏目出身照得腹裏至元二十五年呈准各路司吏實歷請俸六十個月吏目歷兩考陞都目歷一考陞提控案牘兩考陞正九品若路司吏九十個月吏目歷一考與都目余皆依上施性遷

前件議得江南提控案牘除各路司吏比依腹裏路吏至元二十五年呈准定例遷除其餘已行直補並自行踏逐根底淺短之人自呈准月日立格寔歷案

贖兩者止依至元二十一年定例九十個月入流未
及兩考者又添一考遷除例後違越補之人雖有
役過月日別無定奪

勅牒提控案贖大德十年四月湖廣行省准 中書省咨
吏部呈切惟各路統領郡縣生民利病實所係焉其幕官
經歷從七品級所辦差稅課程造作一切詞訟贊協治體
責任非輕宜從都省於在選正入人員選材銓用又知事
以下例設提控案贖一員止受本部劄付出身甚小歷任
尤淺即目到任正從九品員多不能遷謂若准改設提控案
贖兼照磨職名頒降

勅牒遇闕於在選文資出身諸知事務流官內銓注不敷者
於任回案贖

案牘下缺半字
後寫主保站官下

於回任案牘
五字如何得位似
在後第三案
應據破官內官注以下云云為是

站官

選取站官事理至元二十三年九月 中書省准御史臺

呈江南諸路新附站官不曉喂養馬匹本省議擬於有根

脚曾經歷仕入流品北人內選取提領一員每月給俸一

十兩週歲為滿無過於巡檢內任用副使本處站戶內選

差一員常州勾當就當本戶身役請定奪都省議得每站

設提領副使各一員提領一員於慣曾勾當北人內選取

受行省劄付勾當三週歲為滿若有成效無過犯者依驗

受行省付身例別定奪委用副使本處站戶上戶內選知

官事為眾推服者一名受通政院劄付常州勾當咨請依

上施行

整治站官事理至大元年五月江浙行省准 中書省咨

照得大德十一年十二月二十七日改元

詔書內一款見本詔於大德十一年十二月二十六日

奏過事內一件站赤氣力消乏的上頭這裏差去的人每鋪
馬斟酌事務計較與鋪馬中書省樞密院御史臺依舊從
便差使其餘諸衙門但有必合差人出去的公事中書省
斟酌應付鋪馬各處行省宣慰司轉運司等衙門除緊急
軍情勾當外即便差人報來者其餘不緊的勾當類者一
處差請俸人一名鋪馬裏來呵站赤每也省氣力勾當也

便益又除大數目鷹房子外其餘不揀是誰為因自己的
勾當上頭推送鷹鷄鋪馬裏來的每根底休濫鋪馬實是
堪中

上位根底進呈的好鷹鷄有呵有司官親身相驗過分揀了

堪中好的教印信文書省部與將來者大數目鷹房子送
納鷹鷄來的時分行省宣慰司有司親身相驗子堪中的
教鋪馬裏送來者不堪的休與鋪馬者到這裏將來的鷹
鷄可呵交鋪馬生受費耗支應上面上頭將元分揀來的
官人並選將來的人根底要罪過更指稱

進呈諸物麼道濫騎鋪馬的馳馱沉重的無體例打拷赤站

的百姓每根底料歛首思等一切不便該載不盡合行的
勾當俺斟酌行文書整治呵怎生又站赤頭目却是通政
院省行各路官委付的人有今後大都上都在城帖裏於
到選雜職人員委付受

勅官二員其餘站裏各委付受

勅官一員依體例與俸錢以次人員交通政院選着委付這
般整治了通政院官專一用心提調各處脫二未孫用心
盤問別了的人每根底依體例要罪過呵怎生奏呵奉

聖旨是也那般者欽此

皇慶元年七月江西行省准

中書省來咨咨站戶內選

保站官本欲優卹站戶誠為美意却緣站赤之設通設
官注授通理月日陞遷職由俸給並依舊例用不盡人數
錢谷官定奪理算案牘月日除遠方路分外腹裏江南等
處上路並寺監經歷宜從都省於在選正七品以上人員
量材選用下路止依舊例本部銓注相應得此議得除腹
裏江南上用並寺監運司經歷宣慰司都事都省銓注餘
准部擬外據提控案牘擬改設提控案牘兼照磨取發架
閣給降從九品印信於大德十年二月十一日
奏過事內一件內外各路分并各衙門裏的提控案牘腹裏
的路分裏的受吏部劄付迤南各省管轄的路分裏的受

行省劄付有如今九品員多缺少的上頭難銓注有這提
控贖教祇受

勅牒呵怎生麼道吏部官人每俺根底與文書來俺商量來
他每的言語是的一般有依着他每言語行呵怎生奏呵
奉

聖旨那般者欽此

官注以應接任回案牘
在前三葉

新夜三
張
誤在捕盜
每夜上

捕盜官

縣尉專一巡捕至元八年二月 尚書吏部承奉尚書省
劄付判送刑部呈下縣亦合依中縣例另設縣尉一員專
一捕盜事批奉 都堂鈞旨送吏部講究擬定可否連呈
奉此當部呈奉 尚書省劄付該議得下縣巡尉候取勘
定數舉呈定奪外據上中下縣已有另設縣尉去處今後
本官不須署押縣事止令專一巡捕勾當
下縣添設縣尉大德八年十二月湖廣行省准 中書省
咨吏部呈照得奉中書省判送刑部呈該下縣除兩廣雲
南四川甘肅遼陽僻遠去處近後定奪腹裏江南擬添縣

尉一員專一巡捕相應蒙都省准擬連送本部照勘銓注
通類

聞奏施行承此除遵依外今來照得腹裏江南下縣合添縣尉去處除見缺依例銓注外所有在先已除主簿兼尉於內多有見任未滿已除未任官員合添縣尉未曾銓注即日到選從九人員數多壅滯不能遷調為此本部議得腹裏江南授除簿尉已未到任員數合依已授止管縣事任回依例遷用叅詳添設縣尉擬合通行銓注專一巡捕具呈照詳准呈劄付吏部依上銓注外都省咨請依上施行減併額設巡檢事理大德十年三月湖廣行省准

中書省咨大德十年正月二十六日

奏過事內一件吏部官人每根底與文書到選的九品人每員多缺少不能遷調有各處設着的巡檢的勾當重有外處多委付着無根脚的人有這巡檢每於九品人員內委付受

勅牒印信俸錢合依舊麼道說有俺商量來他每的言語是的一般內外合設的巡檢於九品人內委付得替的人每應得的另勾當裏定奪委付呵怎生奏呵奉

聖旨那般者欽此都省區處到合行事理除外合行開坐咨請照驗見設巡檢除要緊必合設置外若有濫設去處以遠

就近從公減併仍具合存設並減併定處所開咨以憑注
授施行

一各處行省所設巡檢考滿者咨省定奪未及考滿者
從行省於錢谷官等職內委用通理月日依舊陞
遷不及一任人員如係告廢並提控案牘例應充
者於雜職內委用考滿各理本等月日依例陞遷
如係違例根腳淺短之人從本省於雜職內選用

